

الكتب القيمة المخزونة الكاملة لقومية هوي الصينية

回族典藏全書

吴海鹰 主編

甘肅文化出版社
寧夏人民出版社

061

主 編 吳海鷹

副主編 吳建偉

雷興魁

雷曉靜

回族典藏全書

061

甘肅文化出版社
寧夏人民出版社

第六十一冊 目錄

備忘集(卷五——卷十) 清手抄本 明·海瑞

.....

文獻名
作者
版本

備忘集
明·海瑞
清手抄本

備忘集

欽定四庫全書

集部
備忘集卷六五

文獻名
作者
明·海瑞
版本
清手抄本

回族典藏全書

政史類

三

詳校官監察御史_臣陳化龍

侍讀_臣孫球覆勘

總校官降調編修_臣倉聖脉

校對官助教_臣陳木

謄錄監生_臣章洪勳

文獻名備忘集
作者明·海瑞
版本清手抄本

文獻名 備忘集
作者 明·海瑞
版本 清手抄本

欽定四庫全書

備忘集卷五

明 海瑞 撰

書

啓譚次川侍郎

聞公日有歸念誠意伯人至復領求退不獲之說漢張
楷之謂樊英曰以子之出能輔是君也濟是民也公負
重望而起人之許公公之自許何如也如斯而已而遂

歸耶北來人詢及倉事公勵精過人殊為欣慰戶部錯認做箇錢糧收頭猶之工部錯認做箇木匠頭公今所事錢糧收頭外戶口樹畜有進步耶等而上之大臣以道事君疏通民情成就君德薦引人賢無不可者如此而歸公於初心有慊然耶心有不慊必以初出為悔以初出為悔何不即此一出行之俾我心慊老成典刑外公無可望者天地萬物原君子本身上事見難而退自附於知止知足之說曰既明且哲以保其身誤矣公今

文獻名備忘集
作者明·海瑞
版本清手抄本

文獻名 備忘集
作者 明·海瑞
版本 清手抄本

日只欲如漢二疏而已耶賢哉二大夫俗論也謬說也
不敢為公願也

復史鴈峯太僕少卿

禮以積財能散為賢者中行之行生二十年前會試經
南都聞翁名稱誠哉居廊廟濟天下處鄉黨濟及一方
仁之為道無施不可也近望沙公備及與今昔耳聞不
謬正欲達之左右望翁成終成始施於有政適華札下
及使歸特此申候致私念仁道不大行而加不小施而

損惟留意感公嘉惠段絹槩不敢領酒果拜賜矣并附謝

啓史方齋瓊州知府

三月間聞舟次上新河口令人探之則已發帆數日矣
咫尺間不得一瞻顏範可恨可恨仰惟我公守已冰蘗
視民若傷誠百年內未有太守也環海感戴何可言盡
南來人因問而說云自公一身言公無可議矣然食酷
未免肆行吏胥如舊為害里甲用度徭平加徵未見其

文獻名備忘集
作者明·海瑞
版本清手抄本

文獻名 備忘集
作者 明·海瑞
版本 清手抄本

大有改革過前日也纖微曲折照察不及終為不滿之分此則在公加之意而已水清無魚治去太甚別是一
道盡以為據而施之政事焉不可也生自入仕至今未
南歸俸金所入僅僅足用餘無分文可積可貨田業止
祖遺糧一石二斗外未增一畝一升有以二事呼瑞銜
進狀者皆詐偽也乞臺下一查治之勿少假貸上碧崖
下縣屬并乞轉此相諭人便特此申候兼致願私萬惟
留意瑞南望滄溟惓惓無任

復葉立齋陳熙齋諸年丈

貴府事生習聞之矣與今華翰種種說無一參謬為虺
弗摧釀至今日以千萬人之命論之前人之罪不勝誅
矣今日坐視之人能逃責乎天假賢守才足堪謀足濟
直前擔當直出數十年郡守之上生為諸年丈地方慶
幸久矣而當事者嘖嘖有言焉可怪也百凡事可以盡
心得以竭力無不為諸年丈少効一二以期無負但核
兵剋糧言執法可矣論情則處之亦未盡是用其力而

文獻名備忘集
作者明·海瑞
版本清手抄本

文獻名備忘集
作者明·海瑞
版本清手抄本

不滿其食亦人心之所以不服也虛數虛糧事非一朝
一夕特非情所不便而不可行者歟將相和調則士豫
附成天下之事而以乖戾之氣行之彼我文武區以別
焉不可也侯守不久大用始終造福於潮諸公聲所聞
見左右贊襄侯守益勵初心宜通而通宜執而執則區
區至願耳諸事不及盡者付回人口數年殊缺候問不
便也統惟台鑒

復熊鏡湖軍門

王道長至拜領華翰諄諄然地方為念仰知海濱有賴
十年巨寇一掃而平不難矣從前軍門每每不能立有
實功實業其病有二第一是怕自己死第二自怕士卒
敗懂懂二念而其所謂勇往直前者索然餒矣能有濟
乎廣中用兵見敵便敗全坐士不用命一句譚二華前
後迄無能執孫子斬宮嬪法尉繚子半殺士卒行之正
以兒戲將官驕子士卒故非一日萬一約束加焉激而
他變成敗觀人百謗隨之是亦畏敗之類也今日之事

文獻名備忘集
作者明·海瑞
版本清手抄本

文獻名 備忘集
作者 明·海瑞
版本 清手抄本

果能不蹈前轍矣乎士卒必用吾命執事能了了然信
之乎如其不然良法勝算無所用之魯仲連論田單所
以破燕曰將軍有死之心士卒無生之氣夫古人豈欲
其死與敗哉道如是也機如是也萬惟留意今日之事
惟此為急若其設伏用間伐謀擊虛目下船所宜造兵
所宜募地利寇情事之不可遙度者此則先立乎其大
之後一經綸之而已無難事也朝廷公念桑梓私懷瑞
臨楮不勝惓惓